

公安縣志

卷二
營建

00260.12

38

4

公安縣志卷之二

營建志

舊志建置沿革合為一門今析為二而以建置改為營建



天下之勢莫不有其漸患生於無形當思所以銷弭之患成於有象當思所以振作之邑城若於水屢議遷顧以費宏工巨未果庚午癸酉水益汜移於唐家岡新城庶事草創然自城郭官廨各廟壇外以及書院考棚次第興修列而書之視當日孫劉之所經營孟公珙解公潛之所措置及張公大韶之所以遷移今昔一轍焉可以觀世變矣

公安縣志 卷之二

營建 城池 一

城池

王公設險以守其國由來久矣顧值物力凋殘而為金城湯池之固鮮有能濟之者新治畚築方興規制畧具若曰崇墉厚堞歸然於大陂廣野中須俟之民物阜蕃而後可

城周圍五百五十八丈計三里零一分同治十二年冬奉委吳公葆儀同承乏會勘唐家岡地形綿亘秀麗當即按方定址估定用土築城東為朝陽門西為寶成門南為文星門北為迎恩門磚砌如式

新城記

自古城邑之建必按地圖審高卑規畫經營爲民社久遠計非徒侈一邑之形勝示四方所歸往也顧時勢變移值萬不獲已之日而猶爲息事安人之說則因循適足以誤大事公安於荆郡七邑中最窪下爲鍾水區而亦未嘗無岡阜千百年來凡四易居由孱陵街而二聖洲而油河口而祝家岡皆以水之故自治祝家岡後富庶者又百七十年矣道光辛卯歲始復齧於江濤迄今四十有四年蕩濶日甚堤防罔功

公安縣志

卷之二

營建 城池

二

予以同治壬申冬承乏於此次年夏六月松滋堤決奔流入境沛然莫禦城遂潰予破屋而出乘扁舟周視人民騎脊乘椽哀慘不可言狀因設法濟渡並請賑焉撫綏多方流亡者幸罕顧以城圯署毀頻年補葺勞費無已乃建徙築之議相地於舊治之東南鄉曰唐家岡廣袤二十餘里據一邑之脊帶以沱水屏以黃山遠而常澧咽喉近而荆湖鎖鑰高顯沃衍數百世之利也上臺隄之下民趨之凡借撥帑金貳萬緡士庶捐貲萬餘緡經歲而畢周三里有奇祠廟

官舍試院倉庫咸具張太岳曰不暫費者不終省不一勞者不久逸此自然之理也嗟乎救荒之政有先後而無輕重出治之區既定矣受治之地當若何禦災捍患俾昏墊之民復得安居粒食吾方亟圖之而未竟其緒也是役也始議雖自予創而贊成襄助實藉眾力維時估工定基則鹽運使銜湖北候補知府吳葆儀督理工程則湖北候補典史丁文熙

文廟監修則教諭王慰訓導李國賓稽查彈壓則典史王桂棻把總會芳貴承修紳首則舉人李洪已鄒毓

公安縣志

卷之二

營建

城池

三

楨候選訓導易秉璋候選藩經歷附貢劉承遇候選訓導杜宜詩戴高候選州同附貢鄒詡中干總武生司馬長青司馬煜附貢雷洪勳生員謝夢巖附貢饒藝圃干總武生雷業一廩生邱昌淮生員田家炳王樸章德霖貢生袁時曜袁勤瑜監生葛元裕郭光譜堪輿則監生袁光暉從九雷祖耀儒士李才柱予不敢沒人之勞攘爲己功爰將在事諸君列名於策俾後之覽者咸知予志之所存

同治甲戌五月旣望權知縣事邗江周承弼識

附 舊城紀畧

邑之變遷屢矣。考舊治東北三穴鋪桑檀鋪之間有

孱陵街。益城孱陵俗謠為柴陵即吳呂蒙城漢以來縣治因之。後遷

二聖洲洲在江之北及洲地崩。又遷江南岸之油江口地名

梅園初未有城。明正德五年知縣周鉞築土為之。尋圯

嘉靖五年知縣周臣甃以磚石。周圍三里有奇。四門

建樓。濱江衝決。及崇禎元年戊辰。城內外火。竟晝夜

男女煨燼七百餘口。侍御毛羽健奏請遷城。已改築

椒園。七年甲戌。錦衣衛鄒之有改遷祝家岡。知縣張

公安縣志

卷之二

營建 城池

六

公大韶築城。十三年趙公繼鼎重修。十六年燬於賊

國初。順治五年王公百男復建公署於叫湖堤。八年又

移居祝家岡。袁公傑始立官署。城門僅苦覆三楹。康

熙時蒞任。凡數公節次修理。四門建瓦樓。令卒居守

五十六年楊公之駢更加修葺。東為雲翹門。南為金

華門。西為瞻豐門。北為待詔門。周圍計五里三分四

門。外城河俱設板橋。東門外直街過李生橋。沿便河

兩岸居民輳集。舳舻亦眾。西門外順大道有肆。客店

城內皆種楊柳。雨中春樹。闐闐如在畫裏。近數十年

衝決漂沒不堪回首矣爰將官地廢址備列於左

一城池廢地一圍計長壹千玖百零捌弓內外脚寬壹拾陸弓扣田壹百零壹畝柒分叁釐

議入忠孝節烈二祠歸書院首士經營

一縣署 堰一圍 東抵堰外董陳基朱王堰西抵楊張崔

唐張戴朱王楊徐饒十一姓基南抵唐陳戴三姓基

北抵溝外陳界南至北長壹百貳拾玖弓南橫拾玖

弓中橫伍拾弓北橫叁拾弓扣田壹拾肆畝壹分玖釐

左一形東抵李基南抵街心西抵衙地北連衙堰南

公安縣志

卷之二

營建 城池 七

橫肆拾弓北橫拾玖弓長叁拾陸弓扣田叁畝五分

肆釐

右一形東抵衙地南抵街心並舖地西抵陳王唐饒

嚴鄧六姓基北抵衙堰東西各長叁拾壹弓南北各

寬肆拾柒弓扣田肆畝捌分

以上衙地共扣田貳拾貳畝五分叁釐議入

文昌宮

一衙前舖地東抵劉姓基南抵饒唐基西抵毛基北抵

街心南北各長貳拾弓東西各寬捌弓扣田伍分叁釐

一武營廢地 在城西南 東抵桑地西抵楊堰南北俱抵

桑地長二十七弓寬十五弓現挖成坑

一養濟院 坐北門內 南北俱抵公溝東抵陶基西抵劉

田南北長四拾五弓東西橫拾捌弓扣田貳畝陸分

一育嬰堂 坐城東南隅 南北長叁拾貳弓東西寬拾陸

弓現挖成坑

一觀音閣 龍神祠 坐北關內 東抵田西抵堰壘田南抵堰北抵

溝東西寬貳拾柒弓南北長伍拾弓扣田四畝五分

一佑聖宮 坐北門內 東抵北書院地南抵蕭基西抵塋

公安縣志

卷之二

營建 城池 八

荒北抵溝東西長叁拾貳弓南北寬玖弓扣田玖分

陸釐

一三元宮 坐東門外 東抵河心南抵街心西抵萬基北

抵湖東西長貳拾叁弓南北橫貳拾貳弓扣田壹畝

陸分捌釐 廟前河一節係陳姓捐

武廟書院考棚賓興及城隍廟廢地議歸各本項下

官署

聚集道德謂之府部署政事謂之署所以肅體統重
官箴也新城官署悉仿舊制然地處爽塏內外完葺
煥然一新規模較宏遠矣居之者仰名宦而思政慨
風俗而思變觀利病而思興革琴堂鶴署地以人尊
宜何如整飭也是所望於後之吏斯土者

大堂一重三間左爲庫房右爲錢糧櫃兩廊下各起
科房五間東爲吏戶禮倉稅承發各科西爲兵刑工
糧戶南各科中爲甬道立戒石牌前爲儀門左右角

公安縣志

卷之二

營建

官署

九

門外四班房各一閒左爲衙神祠右爲東房班房西
爲遞解房爲捕卡爲羈所頭門外兩旁八字牆正面
照牆一道東西柵闌各立木柵一座大堂後爲宅門
進加官門直接二堂三閒中爲維新堂左爲簽押右
爲帳房兩廊爲東西門房由二堂東首轉入爲大花
廳四閒花廳後爲幕友房兩進由二堂西首轉入爲
倉神祠前爲西花廳後爲大廚房二堂後爲三堂再
進爲四堂自前八字牆起統作圍牆一道

附

畢督部通飭州縣碑記

乾隆五十七年

照得地方官僉差出票不得不用衙役而若輩中忠厚愿謹者少狡猾貪黠者多大都以硃票爲奇貨以詐賄爲生涯一票承行不論案情輕重事主貧富務欲飽其慾壑一案入手已將本官前程本戶身家不啻視同秦越戶婚田土說成駭地驚天桎梏銀鐐逼到水窮山盡鄉愚飲泣雞犬不甯或因花戶憚於見官或因被告素來畏事或窺其家尙温飽或案外巧以株連白役成羣乘軒坐馬其狀同於羅刹其惡甚於虎狼而其所以敢出此者祇緣城狐社鼠心有憑

公安縣志

卷之二

營建

官署

十

藉官旣以爲爪牙勢遂同於夥伴因而潑天膽大兇儀侈張幸而索詐無事固得安嚼民膏卽成逼斃無辜又有本官曲庇蓋官已受其挾制祇得代爲包荒且謂小民可虐上司可欺而惡役必不可不護豈知天道昭彰人心忿激或被上司察出或被受害者告發或激成毆官毆差重案役固不保官亦何在乎何若平時嚴加駕馭慎重出差革除白役旣可免約束不嚴之咎一有違犯先自通詳盡可免失察之愆而猶役奸胥知官不庇護失其負隅之勢必歛飛噬之

威如此則民間不受荼毒而功名亦得保全視彼以
護役爲能終歸瓦裂者智愚奚啻霄壤耶本部堂披
閱案牘見衙役詐贓逼命之案始於本官釀成終於
本官受害者不一而足合亟剴切通飭以覺昏迷備
札行司卽便通行所屬各自警醒悉心體認並責成
該府州縣將本部堂指陳利害之處與所屬州縣佐
雜等動色相戒俾知痛懲衙役不令擾民約束旣嚴
犯案自少是不但爲民實以爲己何苦以辛苦得來
之官職甘心付之蠹役之手卽幸而獲免亦流殃後

公安縣志

卷之二

營建

官署

十一

世若經此番痛切提撕之後尙不幡然覺悟則登彈
章干法罔紀亦其自取爾矣本部堂一片婆心不謂
言之不切也凜之慎之仍將如何遵奉嚴行約束之
後由該州縣各自切實稟覆並將此刊碑豎立該州
縣大堂載入縣志以期觸目警心

典史司

在縣署西

營防

在縣署西北

教諭訓導署

見學校

驛丞

在孱陵驛

養濟院

在舊城北門內經費詳田賦今移新城道光

息飭戶書按月散給
使無告實受其惠

壇廟 祠宇附

山川土穀之神有功德於民者祀之故壇壝兆於四郊崇禋行於六沴秩祀之重有舉無廢而歷來大名垂於宇宙及大業光於地方者例得建祠致祭與正祀等焉因以附書

社稷壇 在北門外 每歲春秋仲月上戊日出主於壇而

祭之 壇不用屋其制與風雲壇同從北門入置石主長二尺五寸方二尺埋於壇之南正中畧露圓

尖外別爲木主高一尺二寸朱底青字左社右稷並南向風雲雷雨壇制崇二丈五尺繚以垣四陞四門從南門入木主高二尺二寸

公安縣志

卷之二

營建 壇廟

三

風雲雷雨山川壇 每歲春秋仲月與社稷壇同日致祭設城隍神合祭風雲雷雨之神居中

山川稱某州縣山川之神居左 城隍稱某州縣城隍之神居右 按漢唐宋風雷雨

皆各壇以祭未嘗合而爲一亦未及雲明洪武三年

詔風雲雷雨合爲一壇六年詔合祭風雲雷雨山川

之神尋又合城隍祭於壇陸稼書曰城隍旣壇祀之

矣而又有廟春秋二祭則於壇朔望行香則於廟亦

於彼於此之意歟

先農壇 在東門外 祭以每歲仲春亥日

常雩壇 每歲孟夏龍見擇日於風雲雷雨壇內致祭以迎時雨

厲壇 在北門外 每歲清明日七月望十月朔請城隍

之神出主其祭榜無祀鬼神分祀之按厲壇之設子
產所謂鬼有所歸乃不為厲也會典所載祭文備極
鬼神之情狀今悉遵用

文廟

崇聖祠 金詳學校

武廟 在營防右 順治元年定期每年五月十三日行祭

九年

勅封忠義神武關聖大帝雍正三年

公安縣志 卷之二

營建 壇廟 三

勅封帝三代公爵造神牌供奉後殿五月致祭外定於春

秋二仲月擇日致祭屆期先祭後殿後祭正殿咸豐

四年奉

特旨升入中祀每歲春秋仲月及五月十三日致祭

後殿中奉

會祖光昭公 正中南向

祖裕昌公 東一室南向

父成忠公 西一室南向

夫人九靈懿德武肅英皇后

長子平竭忠王

次子興顯忠王

部將周倉忠勇公

兩旁從祀

關平

楊儀

荊州刺史

周倉

馬良

荊州參軍

新增

關興

張苞

王甫

張嵩

公安縣志

卷之二

營建壇廟

古

華宅

趙累

武廟田 阡堤一形參拾陸畝坐落董家車台

椒園拾畝

祀

舊城廢地東抵城脚南抵公堰西抵東嶽宮基北抵公堰南北橫各貳拾陸弓東西長各肆拾柒弓扣田四畝

老關廟地

生員杜成瑄捐

三仙宮

坐城內西南

東抵公溝心南抵

公堰西抵唐基北抵公溝南北長貳拾陸弓東西橫拾柒弓扣田壹畝肆分柒釐

文昌宮 在學宮東 嘉慶六年奉

特旨升入中祀每歲春祭祭期用二月初三日

聖誕秋祭祭期以欽天監選定吉期同治四年奉

旨續增一祭 祠舊有響石一面相傳先朝自水中浮出

邑人製作石磬懸於廟中叩之其音清越響曉蓋數

百年物也咸豐時為有力者奪去邑人士爭之乃還

祠田卅塊徐家台一形玖畝叁分南門外田一形貳

石坐落孫黃驛後康熙時生員袁倬忠捐孝港田一

形伍拾玖畝原係東嶽宮田咸豐年間知縣陳文灼

公安縣志 卷之二 營建 壇廟 五

撥入祠內

名宦祠 見學校 鄉賢祠

龍神祠 在城東南 乾隆二十四年 禮部議定於春秋

仲月辰日致祭

旗纛神 軍牙六 纛霜降 日武官致祭

以上俱有祀典銀 詳田賦

火德祠 舊在西門外今移新城舊祠廢地東抵趙基並 驛路南抵堰並陳基西北俱抵溝心南北長

十弓東西寬叁十四 弓扣田柒畝九分

劉猛將軍廟

城隍廟

國初知縣衡戴天建後知縣楚煜重修趙公希階改築殿基門臺高爽前濬為池道光七年知縣關維紀重建同治四年署縣袁公鳴珂續修今移置新城縣署西南

城隍之神境

內廟祀紛紛初非祀典所宜亦無關市集興廢不載

水旱田地二處椒園陸地拾畝長安村黃田湖水陸

共計貳拾伍畝康熙四十七年知縣陸守琛捐舊廟

廢地

東岳宮在內

東抵

武廟基南抵池外劉堰西抵公

溝北抵公堰南北各寬叁拾壹弓東西長各肆拾柒

弓扣田肆畝捌分

附祠宇

公安縣志

卷之三

營建祠宇

共

左公祠

在斗堤舊縣祀昭烈也帝於此有大功德邑因以名祠久圯入江

武侯祠本呂蒙祠在孱陵街邑進士劉珠一日過此題

詩云千年面目猶慙爾誰信祠頭有鼓鐘是夜夢蒙

長揖而謂曰何相讓之深乎一夕火焚其祠因改爲

武侯祠復罹兵燹舊石門柱上有劉珠題聯云漢業

鼎興二表見出師之意蒙城廟食千年愧僭賊之心

康熙庚子知縣楊之駢卽其舊址捐建新廟邑諸生

龔三捷詩曰赤棘黃蘆大道旁武侯祠宇久拋荒行

人錯認靈光殿枯木寒鴉噪夕陽祠田四處知縣楊

公之駢捐置祠東相連劉述貞等基地壹畝貳分價銀肆兩祠西相連龍禹三兄弟陸地壹畝價銀叁兩王魯珍等田肆分益挨身塚田壹分價銀貳兩俱康熙五十九年買六十年春又買王文煥陸地貳畝價銀陸兩

庾公祠祀子貞也

子貞南齊孱陵令庾黔婁也祠久圯

竹林寇公祠

在斗堤舊縣西

卽枯竹生筍處公卒於雷

州樞過公安士民感其忠義道旁致祭折竹挂紙錢焚之逾月枯竹盡生筍眾因爲立廟號竹林寇公祠

公安縣志

卷之二

營建 祠宇

七

宋南渡後孟公珙拓其旁爲書院後又改爲學宮元

薛公友諒重修有記

載藝文

國朝康熙戊戌知縣楊公之駢改遷於北關外大道旁

捐俸建祠顏曰培風書院上下俱三楹人士咸喜載

酒賦詩而落之者甚眾邑諸生龔三捷詩曰七百年

來寇相祠劫灰飛盡震江湄只今烟雨瀟湘色多少

行人問舊碑

元劉坦萊公祠堂記明鄒文盛請給寇公祀典疏均詳藝文

按祠自楊公改遷後又遷於城內道光己酉祠圯

復遷於南平書院之西今移置新城書院

三相祠卽竹林祠後人益孟珙廉希憲而三之舊在儒

學內

宋書孟珙傳珙字璞玉隨州棗陽人嘉興中以荆湖制帥屯兵公安因蜀士流寓於此建竹林

書院

以沒入田廬隸之使有所教養理宗題榜賜焉

舊志廉希憲行省荆南公安饑發沙市不入官倉米

販之邑祀於學宮

楚國宮祠祀元阿里海牙也在二聖寺後卽故白骨塔

寺

舊志阿里海牙奏減田稅邑人祀之久圯入江

鳳公祠

在舊縣南平書院西久圯

周公祠祀兵巡道周應中也

梁公祠祀分守道梁雲龍也

公安縣志

卷之二

營建

祠宇

六

周梁二公明時主修

學宮儒學舊有祠袁宏道

有記

詳藝文

國朝主修

學宮荆州知府魏公勳也

北直柏鄉廢生舊志謂後有修

周梁二公祠祀者魏公當與同享之

鄉市

自軒皇日中為市懋遷有無之風尚矣曹參謂無擾
獄市而周禮司市司號司稽賈師胥師惟恐其疎不
擾不疎是有道以處此若夫牙僧之濫衡度之欺鄉
村無稽遊民習於其中而田蕪不治往往由之迄今
市廩之弊所冀長民者隨在留心耳

涂郭市

在西辛里舊有縣丞署道光三十年裁舊志
載民安市為涂郭巷黃廟子查黃廟子在涂

郭巷下
三十里

章莊舖

在白湖里

新店市

在茅穗里

公安縣志

卷之二

營建

鄉市

十九

吳達河市

在平樂里

黃金口市

在大光里

段堤壩市

一名新廠在大
光里小河北

沱孔市

在廖解里

孟家溪市

在長安里舊志
即楊湖口誤

鄭公渡市

在長安里

谷昇寺市

韋家廠市

俱在谷昇里

龔家廠市

鄒家廠市

俱在長一里

毛家廠市

在刀環里舊志
募蒲河即此

甘家廠市

在特邱里

湖堤市

在市鎮里

界溪橋市

在白湖里
公澧交界

申津渡市

在刀環里

章田寺市

在魯陂里

楊家廠市

赴特界

觀音寺市

在西辛里

澹頭市 在西辛里

黃廟子市 在西辛里

李家口市 在茅穗里
江公交界

石子灘市 在白湖里
新開

東嶽廟市 在白湖里
新開

胡家廠市 在赴陂里

大門土地市 在赴陂里
新開

杉木橋市 在廖解里
新開

猴子店市 在魯陂里
新開

伍家舖市 在廖解里
新開

斑竹墻市

伍家廠市

同新廠市 俱在牛頭里

祝家岡市 卽舊城

王家廠市 在東村里

邑市如黃金口段堤墻沱孔楊湖口毛家廠觀音

公安縣志 卷之二

營建 鄉市 二十

寺申津渡張家廠新店市章田寺等處道光以前

裔賈雲集一市而開數典邇來市多冲廢幸存者

不過寥寥數家或數十家而已撫字之而招來之

庶有鳩乎

補錄因水久廢各市

曾家灣市

孫黃市以上俱東村里

柘林潭市

楊湖口市

雙田市

泗水口市以上俱長安里

三穴市大光里

民安市西辛里

范家廠

張家廠以上俱牛頭里

沈家廠廖解里

橫堤市魯陂里

灌洋市

高家塢市以上俱板橋里

郝鄔市

牛浪湖市以上俱谷昇里

公安縣志 卷之二

營建鄉市 又三

黃家市

江伍橋市以上俱刀環里

普化觀江公界

孱陵市

索家市以上俱茅穗里

王家廠一在平樂里一在瓜渚里

熊家店市

楊賽所市

浮金橋市

黃屯橋市

鷺毛巷市

易家橋市

譚家廠

熊家嘴市

津梁

徒杠輿梁王政所重邑之津梁有司諸官者有聽於民者亦仁政之一端也况地當南北之衝水陸交馳為東南咽喉言設險者顧可忽諸

石浦橋 原名杉木橋在斗堤舊縣城內知縣俞雍贊石建

鎮安橋 在斗堤東一里明永樂中知縣鮑綸建正統中知縣俞雍用磚石砌萬曆中邑人楊元福

重修

蒙城橋

南星橋 俱在市鎮里

石馬橋 近王襄簡先墓有翁仲石馬故名 桑家橋 在赴陂里

公安縣志 卷之二

營建 津梁 三

銀杏橋 在今二聖寺後 高家橋 在赴陂里

流橋 久廢康熙庚子附近募捐修復架木為梁

東壁橋 明知縣錢允選濬石浦故道甃石為之當斗堤舊縣學宮之東故名

板橋 袁宗道募作板橋疏十一月杙十二月梁車蹄格格以驅以行惟茲紅板軌不得方木糟塊圯

水遠道長稽首哲人開箱敢囊無偏無頗來者堂堂題籍伊誰曰東省郎厥歲在寅厥律始商

三穴橋 明正統中俞公雍建橋下為七門虎渡江水支流逕此潤偉為一邑之最俞公易其額曰

太平橋 教諭阮禮銘曰影橫星月卧偃蒼龍七門洞達鉅流莫衝足知其雄偉矣傾圮已久按俞公

修三穴橋非止大道通行實因以鎖虎渡分江之水使不得逞其滂澀耳橋外止通輕舸貨運沙市

至此起脚橋斷磴存今磴石鳥有江口崩濶江流取捷徑下洞庭此公安百年後之大患也舊志

馬長港橋

明時發帑金司理王公督建多年倒塌片石無存生員李盛勳捐建甫興工年七十

始舉一子數年運石李卒妾劉氏撫子光成之年

久頹廢乾隆丁亥知縣馬公士偉倡議捐修州同

鄒毅才起而獨任其事橋長十二丈寬二丈洞高

二丈五尺南北立華表二建利涉亭於橋北規模

宏厥峻潤壯觀行人稱便馬公題其額曰南平橋

書一律以誌之馬長港擁古星橋重整宏規紫氣

饒愧我無詩題玉柱羨他有彩煥金翹春深華表

聽鶯唱月滿豐碑看斗標從此緬酋應底定南平

雲霄壯

黃鐘橋

界溪橋

俱白湖村正統中知縣張元凱建

孝港橋

因謝鱗樞過此故名亦俞公雍建咸化中知縣陳鏞更新之後圯正德十四年司徒鄒公

屬臨海蔡公為文求助其畧曰惟茲孝港之途匪直莽蒼之徑昔者長橋有影五洞勝於千艘今也

公安縣志

卷之二

營建 津梁

三

春漲無情一道化為二界望洋浩嘆如拔登樓之

梯欲渡無由似失中流之楫徒為躁進不能奮飛

撫驢背而長吟興滿灞陵之雪坐磯頭以久候途

窮板迹之霜桂棹爭先愁生短景柳陰高喚心急

修程雖雞犬之相聞渺胡越之閒隔公私病涉乘

與所接者幾何往來興嗟折葦而航者安在設若

馮河而溺難同抱石之貞言及於斯心亦何忍爰

扣門而告助祈發篋以興工不分中產豪家豈論

一錢尺布願如毛義士善學古人無俾遠

大夫獨稱君子後因江漲不時竟未修舉

和尙橋

橋甚峻濶洪熙初僧智昶建也萬曆閒圯方伯龔公同夫人趙氏子鴻臚仲純等修之仍

建關帝廟於橋南今人呼曰紫微橋

永生橋

龔方伯建在大關廟東舊有桑梓頌德碑

高家墻橋

明萬曆時邑人高文邦建

野貓墻橋

在祝家岡北

新堤堰橋 湖尾橋 一俞公建一嘉靖中邑人何

橫溪橋 在刀環里 積善橋 在西辛里正統中俞公雍建

車公橋 在酉辛里晉車允居此 明萬曆中邑人楊福建

秀峯橋 在茅穗里明宣 高家壩橋 在灌洋洪武初邑人張友直建

浮盆橋 在茅穗里俞雍建相傳橋未成 時有僧以盆浮水上渡人因名

趙公橋 在東村里 太陽橋 在東村里近太陽寺

判官橋 在長安村 任公橋 在特邱村

傅家橋 在赴陂村 磚橋 在長安村圯

吳氏橋 在平樂村久圯袁宗道募修吳氏橋小引澗 如帶流且駛杠梁不飭徒者死舊鬼嗷嗷喚

公安縣志 卷之二 營建 津梁 三

新鬼小人無知君子耻橋南橋 北望仁里濟川題柱從此始

白馬橋 在魯陂里嘉靖十四年司徒鄒公致政時建 也自為記畧曰縣西南六十里有橋曰白馬

不知得名之始雖荒村下里實一大要津也每秋 夏之交奔潰漫衍遂為巨浸或紆迴取道亦有徒

涉而遭溺者行旅病焉宏治己未葬先封公於橋 之南埠觀此津渡竊有志焉而力不逮嘉靖戊子

乞休疏三上始得請荷蒙聖恩勅給月支歲役歸 田幸有餘祿故得遂前所欲為陶甓採石因高度

下聯絡疊砌昔為巨壑今則通衢特更其 額以修君恩名曰恩波橋久圯以上舊志

一二公橋 一名義公橋今成 松柏橋 乾隆三十三年 巨津改用船渡 松柏橋 監生易明揚建

廣福橋 以上俱在特邱里

馬驛橋 在斗堤舊 龔喜橋 在谷昇村 縣城內 久圯設渡

鄭公橋 在谷昇里

李生橋 在東關外便河

謝堰橋 在廖解里廩生牟廷薦增生
牟世選通判牟光世全建圮

便河橋 在江陽寺前生
員周克勤建 利濟橋 在西家墻生員熊
天熾建以上舊志

長生橋 在祝家岡舊縣東
關外北久圮碑存 福星橋 在長安里

杉木橋 在長魯二里界一
修砌石道光丙戌圮於水易以木同治四年
名紗帽橋邑人朱海表領

貢生袁時曜重修一在章家廠
白玉橋 在大光里
黃金口

陳祠橋 在大光里壓市口有明
時毛娘娘梳粧臺遺蹟

杜息橋 在板半里生員杜添
梁建近憩息亭今圮

繩武橋 在道鎮菴東
雙濟橋 在道鎮菴後

公安縣志 卷之二

營建 津梁 畝

道鎮菴橋 積玉橋 章莊鋪南以上四
橋都司雷鳴運建

喻家橋 以上俱白湖里
會仙橋 在觀音寺
前久圮

儒驚橋 監生王裕謨建
俱在西辛里 平橋

健陽橋 陰善橋 嘉慶時王
蔣氏建

雷井口橋 監生蘇
作春建 大石橋

小石橋 沈家石橋

車家墻橋 二道橋

三道橋 永南橋 圮

龍王橋 圮 以上俱在牛頭里

太平橋

眾濟橋

東港橋

俱在廖解里

文家橋

在赴陂里

粵還橋

譚為接風橋任廣西歸順州知州鄒毅
煦樞還過此子按察司經歷敬敷建

寶善橋

即戴家橋乾隆五十四年監生謝輔
元募建子性孝孫龍光不次修復

公義橋

俗云田家橋

花萼橋

在長安里

五里三橋

在斗湖堤南一名通市橋通陷馬河一名
汪公橋通新河一名卦命橋通林泗港古

橫大路也近河港
淤塞形迹全失

侯家石橋

鮑家壩橋

明嘉靖中
鄒廷濟建

西家壩橋

嘉慶丙寅年熊振先捐修石甕售田二
石餘葺事同治三年其子瑞九續修

公安縣志

卷之二

花梨港橋

以上俱在谷昇里

薛家橋

上開橋

下開橋

窖口橋

俱在茅
穗里

三義橋

廩生龔承春張
志吾曹君奇建

集雲橋

在雲翹門外

渡

油河渡

在舊縣斗堤城
東即大江渡口

三穴橋

上即江濱堤是為油河下
五里即黃金口是為西河

港口渡

在新城東一里孫黃諸水與虎渡江合南入
洞庭置權關於此監生劉明振置田十餘畝

馬長港渡

舊當驛站之衝渡南有堤東達三穴橋為
舊驛路亂後居民掘此堤引湖水南下斷

路以自固桂紀均各湖之水俱南出唐家湖口直達港口渡小民漁利盡失而邑治形勝亦索然矣

蘇家渡 在新城北八里

流橋渡 在大光村

芭芒渡 在西辛里

簡家渡 在西辛里

蒿港渡 在瓜渚里 卽孝港

太歲渡 在平樂里

嚴灘渡 在平樂里

江管渡 在廖解里

柘林渡 卽柘林潭在新縣東南六里

雙田渡 在長安村

惠果渡 在特邱里

新渡 在谷昇里

尹家渡 在谷昇里

鄭公渡 在長安里

太陽寺渡 在東村里

王家壩渡 在茅穗里

公安縣志

卷之二

灞成河渡 在赴陂里

毛么河渡

辛家河渡

蓴浦河渡

俱在刀環里毛萬興避紅巾之難掘洞於蓴浦河邊妻車氏茅氏獲全後子孫繁盛

科第綿延明末之亂闖逆據荆毛族結聚自守數年賊未能犯國初乙酉丙戌聞虎賊南渡扎營

譚家草坪遊騎至刀環鄉人狃焉乃戕其強半屋宇盡毀於是邑無完村矣

黃金口渡

在港關上三十五里乾隆時龍家鳳建捐田二十餘畝

潘家渡 在沱市上

曾家渡 在沱市上

沈孔渡 在港關上

朱湖渡 在沱市上

毛公渡 在黃金口上

申津渡 在新縣北四十里

孫黃渡 在祝家岡舊縣南五里即孫黃驛國朝康熙四十四年設

二公橋渡 在特邱里 連子口渡 在長安里

鳳凰山渡 在谷昇里彭和城捐 傅家橋渡 在赴陂里

八步港渡 在長安里淤泥湖以監生蕭知光設子信鑣捐附近田畝

丁家壩 以窩棚嘴渡 在還金渡下

鮑家壩渡 道光二十二年雷震捐田二石二斗

還金渡 即鮑子還金處也下見義士

車家嘴渡 魏家嘴渡

仙女廟渡 彭姓捐建 以上俱在谷昇里

公安縣志 卷之二 營建 津梁 三

慈口渡 在黃金口下杜姓捐田一石五斗 孟家溪渡 在長安里

坊表

自來閨閣之英科名之彥以及達官顯爵事為忠孝所關者均得請建坊表表厥宅里以示鼓勵風教之意也邑中坊表年久傾圮不一備錄於策誌

恩榮亦彰奇節也

明

祭酒坊 景泰時為王恂

御史坊 一為成化時李芳一為萬曆時陝嗣宗一為崇禎時毛羽健

太保坊 正德時為王軾

公安縣志 卷之二

營建 坊表 三

尙書坊 正德時為鄒文盛

布政坊 一為正德時何珊一為嘉靖時龔大器一為萬曆時熊膏一為萬曆時蕭毅中

會元坊 萬曆丙戌為袁宗道

太常坊 萬曆時為李守約前明坊表俱在斗堤舊縣今圮

貞節坊 嘉靖時為高校妻

國朝

進士坊 順治戊戌為高正儀

二進士坊 康熙丁丑為陳文燦馬龍騾

解元坊 一為雍正二年湖廣解元侯執信一為道光丙午年解元鄒崇漢

太史坊 乾隆辛巳爲毛業溥

庶常坊 嘉慶丁丑爲毛家槐

貞節坊 康熙時爲杜光先妻陳氏

節孝坊 雍正六年爲季 燦妻李氏

節孝坊 雍正六年爲劉文訓妻李氏

貞節坊 乾隆三年爲饒裔六妻陳氏

貞節坊 乾隆三年爲雷自聲妻劉氏

節孝坊 乾隆四年爲孫文炳妻李氏

節孝坊 乾隆七年爲高司南妻劉氏

公安縣志

卷之二

營建坊表

无

節孝坊 乾隆七年爲陳家璧妻周氏

節孝坊 乾隆十三年爲毛廷瑞妻劉氏

節孝坊 乾隆十七年爲朱士林妻袁氏

節孝坊 乾隆時爲杜志秩妻鄧氏

烈婦坊 乾隆時爲鄒敬典妻王氏

節孝坊 乾隆二十九年爲陳緯國妻汪氏

節孝坊 嘉慶六年爲高履直妻毛氏

貞女坊 嘉慶十四年爲司馬有泰聘室毛貞女

節孝坊 嘉慶九年爲朱儒楹妻陳氏

兩節孝坊 嘉慶時爲馬光海妻陳氏

世節孝坊 馬盛學妻袁氏

節孝坊 咸豐時爲晏明良妻王氏

百歲老人坊 在舊縣北關外里許大道之東地名王家橋康熙時知縣楊之駢捐置久圯

第宅 書舍亭閣附

賢士大夫甲第雲連日銷月鑠感慨係之舊志彙入古蹟今從省府志另列以見華屋生存芳徽未艾

宋

孟撫莊

在斗堤舊縣

南門外孟珙開闢荆襄時置

久圮

明

斗湖書舍

在斗堤口

王祭酒恂讀書處

西莊草亭亦恂別墅自為記畧曰西莊王氏故廬

王襄簡軾宅

在斗湖堤

公安縣志

卷之二

營建

第宅

三

鄒莊簡文盛宅

在赴陂里

舊志倦還亭

在白蓮莊簡所築

距梅園三里數十頃皆湖種蓮其中五六月時清芬

襲人香聞數里

久廢

龔方伯大器宅

在長安村

舊志梅園有長春臺方伯致政歸

老處

蕭都堂毅中宅

在長安村

舊志兩湖書屋都堂讀

書處

空明亭何方伯珊水亭也

在城西北隅

四周皆水又有曬書

臺 俱廢

李太守臺宅

在平樂鄉

在石浦 中有光碧堂雲在亭

又壘石為山高數丈因山為洞曰瀟湘下為池飛瀑

林端吳人申少師時行劉侍御鳳皆有詩 今佚

小竹林 在平樂村 通守王輅鄉居也先生為袁中郎師

中郎和王以明山居詩八首錄二首 蠟展先春試

新詩倍日吟為花常駐馬有字即題襟竹老雲辭去

廊空月到深將何伴幽冷水響與柯音細鳥藏窠葉

幽花綴靜枝獵心生翠管治習露春詩為髮添塵冒

因寒罷講期貪噴真可去何事并除癡袁石浦送王

公安縣志

卷之二

營建 第宅

三

以明歸小竹林詩白欄著破換青衫歸去山齋自在

眠醫俗且留千箇竹買閒先賣一區田攜妻燒笋旋

沽酒避客澆花自引泉怪得新詩奇僻甚苦吟刺骨

藥枯禪

荷葉山房

在長安村

袁太史宗道讀書處澗曰松風臺

曰清蔭後有室曰白蘇齋有土阜可眺遠曰幕翠嶺

旁為廊曰斜月廊自阜而下地勢平坦修竹萬竿構

草堂曰淨綠堂後有澗水常涸少時與諸弟騎羊於

此曰騎羊坡渡澗而北曰荷葉山山中古松千本翠

蓋入雲一老栗中空而前竅可容定僧名之曰楞庵
山前有池曰荷葉池中郎白蘇齋記

詳藝文

太史夏

日小齋雜詠最憐山氣爽徙榻傍窗紗徑僻能全草
簾疎不障花無痾常伏枕小宧爲煎茶堪歎東陵客

休官始種瓜

柳浪館

在斗堤西南城外

袁稽勲宏道別業中郎自題

柳浪館詩徧將藍瀋浸春顏風柳鬢鬢九尺鬢鶴過
幾迴沉影去僧來時復帶雲還閒疏滯葉通鄰水擬
典荒居作小山欲住維摩容得否湖亭纔得兩三閒

公安縣志

卷之二

營建

第宅

三

一春博得幾開顏欲買湖居先買閒鶴有累心猶被
斥梅無高韻也遭刪鑿窗每欲當流水詠物長如畫
還山客霧屯煙書篋裏不知僧在那溪灣雜咏四首
柳匝層層水花紛曲曲堤古藤隨意茁熟鳥任情啼
寄客詩題嶽招僧語隔溪菱蒲分外長漸與竹欄齊
偶然修竹裡新鳥一回聞鶴下翻盆石僧歸語嶠雲
縱風生水態任月織波文莫遣鷗鳧去頻來只有君
饒水饒烟地臨花臨柳居經營成淨社穿鑿架僧廬
小作番唐像閑堆農圃書主人葦血斷鶴亦念溪魚

齋閣行將近迂回又隔溪入窗中遠水萬柳外長堤
鑿曲添魚舍菱枝減鶴棲無人踐暴汝宜近亦宜低
袁小修詩鎮日無人至層溪與閉關幻雲作佛事流
水寫僧顏歸鷺千團雪長楊一派山夜深纖月落清
梵出林閒過橋三五次門徑宛村莊曲水纏茅屋深
林護粉牆雨煙荷葉淨風露稻花香未可全無事疏
經也學忙

篔簹谷

在柳浪館後

袁儀部中道別業中郎篔簹谷七

夕露坐詩山亭漠漠冷秋烟只在懸藤古石邊眼裏

公安縣志

卷之二

營建 第宅

七

何會離好竹耳中恰似有鳴泉稍開僻徑通斜月坐
看明河憶去年巴水正長天正澗綠楊門外有酤船

劉主事珠宅

在花栗樹港

白石山房

在長安里

袁孝廉夢溪讀書處譚友夏題曰

江深草堂

遠青閣周氏建黃山天際送青縈碧相近有致遠堂爲

周重望讀書處

毛御史健宅

在刀環里

鄒宮保之有第

在舊縣署後俗稱閣老府移置新城西門

國朝

廓園毛廓庵壽登讀書處

遞庵馬進士芝第蘭及子侄讀書處知縣何公題曰錫

類祠

會萬軒鄒進士養赤讀書處

以上錄府縣志
以下新增

毛太史業溥第

在刀環里

羅觀察宏漳府

在赴陂里

石狻猊尚存

藏書樓

在赴陂里

廩貢鄒崇泗建以藏其父廩生美中

所註書籍併古人圖書有記

詳藝文

公安縣志

卷之二

營建

第宅

三

塚墓

義塚附

墓者慕也其人不足慕何以使人思慕之而不忘塚者崇也其人無可崇何以與山之崇隆而俱永

三國

吳主權王夫人墓吳志以選入宮嘉禾中生孫休及孫

和為太子和母貴重諸姬有寵者皆出諸外夫人出

公安卒因葬焉休即位遣使追尊曰敬懷皇后改葬

敬陵名勝志孫吳舊塚在大光村其高若阜前臨青

港湖

劉璋墓

名勝志在縣西南

先王遷璋於公安盡歸其財

物故葬於是

隋

聖母墓

名勝志在茅穗村大賢里之西

智者禪師之母甃石為塔高丈

許今呼為聖母塔

明季

元

普參政元禮墓

在斗湖堤

東門外堤側圮入江

明

王襄簡軾墓

在牛頭村丁家湖

公安縣志

卷之二

營建

塚墓

三

王祭酒恂墓

在邱家營東

鄒莊簡文盛墓

在章莊舖

顧鼎臣撰誌銘

見藝文

張御史斌墓

在西辛里御史岡

劉主事珠墓

在白雲峪西

何方伯珊墓

在沱市南

袁太史宗道墓

在長安村荷葉山

袁稽勳宏道墓

在白湖里白鶴山

袁儀部中道墓

與兄宗道同城

侯吏部偉時墓

在花栗樹港

馬義士良墓 在谷昇里瑪瑙山

李太常守約墓 在牛浪湖兩壇岡

毛御史羽健墓 在黃茅湖和尚橋

二孝女墓 在板橋里 天啟閒鄉民女黃妙金妙銀卒葬

此地 傳見列女

國朝

周知縣于文墓 在牛頭里永鎮山南

羅觀察宏漳墓 在赴陂里大門土地南首

明以前照舊縣府志錄 國朝先達兆域 周羅二公外各里採訪未收無從登載

公安縣志 卷之二

附 義塚

一在舊縣西關外箭道東 典史戴士閔捐置道光年開 義塚碑忽現五色梅花名梅

花 碑

一在舊縣北關外王家橋 康熙五十九年知 縣楊之駢捐置

一在舊縣北關外牌樓岡 道光十四年典 史汪翰垣捐置

一在申津渡 嘉慶六年監 生林芳捐置

一在趙家嘴 理問王述濤捐置

一在申津渡後 嘉慶二十年 王明遠捐置

一在同興廠西 監生龍巨源捐置

一在斑竹墻東

熊姓捐置

一在章莊舖

道光壬辰奇荒日有塗殍監生雷俊章捐置其孫生員洪丙以毗連之地附焉

一在赴陂里胡家厰

咸豐時咸甯人祝亨壽邑監生鄒丹中募置

一白骨塔

在舊縣西關外邑諸生杜祥野捐建知縣王獎以善人額又廖解里二聖堆茅穗里螺螄

灣及長安里邑人喻華楚僧貫休均建有塔

八... 義塚

寺觀

山厓水陬閒一氏之祠叢出蠹國耗民狄梁公所以奮然毀之而不惜也然相沿既久未便概從棄置以殿營建不使與正祀混其亦存而不論者乎

二聖寺

東晉太和三年道安慧遠二法師建寺凡數遷初在江邊即安遠舊寺也唐宋始改梅園遠公懸記一千年後有肉身菩薩改吾道場於梅園是也洪武己卯江水崩潰徙椒園故安成劉太常宣記曰再遷於椒園之坊而寺始定嘉靖丙寅江水復齧遂移東南郭外今人以舊寺為梅園而此為椒園者誤也大雄殿毀於天順二年前此易殿造像則紹珍營其始滿空葺其終後從事拓基則應祿闢其荒靈心藻其質也二聖閣及繚垣皆靈心募造而真過堂正法樓則龔侍御仲慶合諸宰官力市僧地為之樓以營建寺觀

公安縣志

卷之二

營建

寺觀

无

藏經堂以待行脚具粥飯主人則十方衲子遞職之其隸事者為臨湘僧圓相蓋法師也寺有洲堂有田皆各隸主者宋參知政事馮楫二聖靈蹟記曰晉太和三年寶印手菩薩道安法師護法菩薩惠遠法師卓錫開基建寺於邑之濱江額曰安遠寺迄太元元年春仲一夕邑令周通夢二神叩門語之曰汝輩多為不善將陷泥塗今吾誓以西方之法安鎮是壤翼日家傳戶告萬口一辭忽聞空中語云還見吾否往昔因中乃童子身於寶蓮花藏如來前得受菩提記號曰青葉髻王妻至德如來賢劫千佛下生之數也又有語曰今西北香木二根自洞庭湖洄至此已三歲矣將有西來二鄴行者立吾二像於是縣令同諸父老訪於江濱求得之復遇披褐剪髮者從容相揖縣令曰得非西來鄴行乎答曰然具語其故行者許諾偕之公安為立二像運斤之日靈光四佈非烟非雲郁郁紛紛不聞其聲七日像成清風四來靈光忽散啟戶視之遽失西來二鄴行者惟見二金剛像屹如山立精光射人莫不震悚時仲春八日也嗣是四

公安縣志

卷之二

營建

寺觀

四

獸舛依有禱皆應既而夏秋澆水泛濫妖物作害崩潰隴岸有司禱於二聖見於雲中現像手執寶杵金環於是水患寢息民賴以安厥後或現足跡以傲羣迷或示履痕以堅淨信或託諸夢寐或流為讖兆余按犬藏經中二聖本願芬陀利經之所載驗於此矣昔遠法師預記一千年後肉身菩薩改吾道場於梅園至唐貞觀二年杭裔史清者駕舟自浙而來二聖化為童子求與鼓柁裔者曰二聖者力能勝吾舟耶童子曰客無慮但得夜行請客自睡至夜裔者寢於舟中童子鼓舟裔有從者密覘之童子現猛勇二神夾舟而飛從者報於裔裔亦颺之知其神也戒從者勿視莫知其舟所逝但聞草木之聲雞鳴裔者起視舟在寺側不見童子裔者趨見二像與夜鼓舟者無異遂感立化於寺俄而貌赤色重額如龍眾皆驚愕沙門用麻覆身以香泥塗塑其肉像崇奉在寺一日附於童子曰吾是娑伽羅龍王化身感二神救護眾生特來匡翊又曰百年後有一夫欲損吾軀終莫能至唐季巢寇犯境欲挽撲之力終不逮發矢亦不中

遂委之去額有渙汗痕種種靈通不可盡述迨我皇宋列聖御宇以來佛神聖顯尤加昭灼遂以其寺為薦嚴之所屢褒賜封額太平興國元年賜額興化禪寺天聖三年改為萬壽禪寺崇甯四年勅加天甯萬壽禪寺紹興七年改為報恩光孝禪寺景泰五年勅加青葉髻王為精進如來婁至德為妙果如來勅封娑伽羅龍王化身黃衣使者為忠烈侯又勅佐感應判官為助順侯易額二聖禪寺今年孟秋四日夜余以王事之西蜀舟經公安江上忽然晦冥風濤大作舟人莫能措手足舟幾覆沒忽聞空中語云爾等勿怖吾當救護語畢舟竟到岸迄曉視之正在寺側余乃知佛神之靈也於是秉香詣寺謁謝索其靈跡任持卓翁遂出本授余仍請更增益之余感佛神救護之惠故並其前靈蹟樂為之記其餘異跡甚多見別條寺舊有辟支佛牙及有宋諸勅趙子昂十八羅漢卷元書金字法華經而羅漢為當事者取送故相家後不知散失何處又有羅漢十一軸皆名筆而失其四寺僧不知惜今久蠹朽有唐鑄釋家及二聖像精

妙古峭長不盈尺今俱失寺頽壞灰如禪僧
令徒攜拾遺材重建大非故時宏麗矣舊志
袁宗道
二聖寺遊記 詳藝文

谷昇寺

東晉太和五年智公和尚建道光中僧德智重
修公安三十二寺首二聖谷昇居二舊有十八
羅漢及水陸像皆名筆相傳於古樹中得之蓋
兵亂時所藏也今失方伯龔大器憶谷昇寺詩
憶昔

尋春古寺邊而今楊柳隔晴煙上方鐘磬自朝夕客

路琴書空歲年松月夜聞華鶴語隴雲長伴老僧眠

幾時得遂青山約醉傍梅花草太元

太陽寺

在東村里唐以前建宋紹興中重修今圮
杜甫畱別公安太易隲沙門詩見藝文

靈化寺

在茅穗里圮

公安縣志

卷之二

營建

寺觀

聖

天崇寺

在刀環里宋景德中僧無能建明初僧紹彬重
修茶毘時有青舍利今嵌塑像之額尚存里人

重修

毛壽登遊天崇寺詩野寺依族黨累世相因託

歌譴恒於斯杯盤不待約松閒白鳥驚窗下棋聲落

兜誦喧虛無經壇反寂寞牛犁分港共田器寄簷各

老僧俗姓同百年等今作亂離獲生全不忍遠行屬

敘述吾祖先聲容尚可學自笑三十載驅馳雙鬢掠

早失以晚悟歸與赴前諾

淨居寺

宋紹興中僧法興建一云智慧僧建明時周氏
重修兵燹無存 國朝順治閒鄭姓重建

中臺寺

周氏續修

清靜寺

道光乙巳僧戒登募修監生范厚榜建以上俱在刀環里

報本寺

隋智者禪師奉勅建宋元豐中重修精舍五進中殿柱礫似篋盒叩之有聲其梁似創葉卷成

里人取木屑以療心疾道光時圯今復修建

江陽寺

在茅穗里圯

龍泉寺

在新市圯

北觀音寺

宋元豐中建

普光寺

元大德中建今圯以上俱在茅穗里

牛頭寺

舊志石柱有龍乘風雲騰去相傳地有龍池

芝田寺

圯二寺俱在牛頭里

公安縣志

卷之二

營建

寺觀

里

天甯寺

東晉太和二年遠勤二僧建康熙庚申年荆宜施道鄧廷羅南征過此捐屯田六十畝

法華寺

隋時建諸生鄭名重修袁中郎墓在其側子特邱公附焉

清溪寺

嘉慶戊寅知縣盛濂建右接縣治南卡以上俱在白湖里

雷寨寺

在谷昇里李家灣上

椒園寺

在東嶽觀西

梅園寺

在斗堤南門外亦屬市鎮里

清化寺

在上灌洋高家壩東交江陵界今僅存遺址僧依堤結茅庵居之

進士陳文燦

詩依堤起化宇蘇化石牆斑地僻何人到僧歸古殿

閒浮雲陰野甸驟雨漲江灣寂寂上方處幽深常關

飛化寺 在高家壩西岸

普濟寺 明之三仙宮乾隆時廢址已墾為田道光己亥大水流一女神至此里人於堤土建寺以上俱

在板橋里

齊居寺 在舊孱陵城宋嘉定中僧寅公建

樂善寺 在黃金口小河東宋端平中僧惟鑑建前有龍淵

大光寺 里人周道重修以上俱在大光里

南觀音寺 在瓜渚里宋宣和中榮安和尚建東西二廠舊有三橋 郡廩生黃永松

橫木成林詩來自山巔與水涯橫陳樹樹掩平沙春深每借苔為葉冬至還將雪作花縱使斷根埋碧草

公安縣志 卷之二 營建 寺觀 聖

應多高節映紅霞雕梁畫棟終須汝大庇千家與萬家

華嚴寺 在東河嶺圮

南禪寺 在西辛里宋紹興中傅霞上人建

神臺寺 舊名廣福山有井七口名七星伴月

諸天寺 在太歲岡袁中郎改名佛田寺 邑諸生杜必清

宿諸天寺詩地僻禪關靜鐘聲夜泊船心猿空半偈色相證諸天挂錫雲生壁繡經鉢咒蓮木樨松外馥

移塌伴松眠

天光寺 在走馬堤後圮

古城寺

晉唐遺蹟康熙時重修石額
聖壽山圮以上俱在西辛里

金古寺

法海寺

元至正中僧法海建節婦袁
萬氏重建二寺俱在廖解里

白果寺

宋紹興中僧
正秀建圮

章田寺

宋時婺婦
王氏建

大車寺

宋宣和中僧遠建 國朝康熙時重修

淨土寺

舊為紅巾賊所毀
以上俱在魯陂里

大德寺

宋景定中僧月溪建舉人
高重望貢生袁世維重修

龍門寺

宋乾道中建藏有仙佛遺
蹟相傳谷和尚成仙處圮

公安縣志

卷之二

營建 寺觀

器

利濟寺

宋淳祐中森上
人建在長安村

義堂寺

宋紹興中僧慈潤建元至正閒鐘載岳
武穆征楊么還祭陣亡將士故寺以名 袁宏道

義堂寺詩枳林之南烏泥北中有靈芳大士國一迦

陵引百鵬雛怒飛皆作垂天翼無香不出幽曇林有

水皆涵玻璃色飛丹流碧徧邨廬卽今佛宮長荆棘

銀杏熟果墮佛髻滿月無光粉虫蝕龍池蛙積藏輪

傾寶閣蕙欵走彌勒誰能過此不欵欵篋箱有緡田

有穡趁時且撒買窗錢波波城中眼雙墨

雙田寺

唐開元時遠法師建
袁宏道雙田寺詩雙田開
龔仲元子姪讀書處

山自李唐虛焰摧爲瓦礫場芟茅誅杞作雲堂鏡水
不波菱芡香蘆荻花飛滿寺霜刻株爲佛如人長辟
支羅漢儼成行頸腮不辨臂怒張腰弓臂曲包沮藏
皴皮皴面苔蘚裝黃面老子面不黃雪山行苦骨羸
厓爰有大心檀越王銅山金埒珠倉箱入門回顧淚
沱滂融高治液告四方三十二相亦何常稽首誰家
無橐囊東邨西舍皆蓮鄉 以上俱在長安里

報慈寺

在特邱里唐時勅建開山說法者爲藏嶼禪師
龍牙弟子也宋元祐中住持僧道甯重修元延
祐閒住持僧蓋庵奉勅重建宏殿莊嚴於時稱最明
季兵燹僅存圓通一殿寺僧毀作禾場每於中用牛

公安縣志

卷之二

營建 寺觀

聖

碾稻磚發皆碎 國朝順治十五年舉人尚重望等
延灰如和尚駐錫興復期年中法堂禪關次第具舉
後灰如圓寂其弟子樹可雪幹募修大雄殿守備李
洞捐修藏經閣老僧嘯石別修應院精舍皆極壯麗
舊有常住田若干頃皆住持與外護合力贖
回於既失之後者坵段著落載檀林文華 毛壽登

避兵湖中過訪報慈寺詩乘閒訪老宿意象不無神

梵誦魚龍度威儀虎豹馴接機摻小艇避難託羣身

獨放桃花色莊嚴劫外春嚴首昇灰如禪師塔銘 見

藝文

王璩修葺大佛殿募疏

見雜記

惠果寺

在特邱里宋紹興中僧賴祥建

龍溪寺

在赴陂里宋紹興中僧明庵建
宏治中鄒廉修廉司徒父也

白泉寺 在趙陂里

太平觀 原在舊縣明末遷舊城東關內後改武廟久圮

長生觀 一在北關外一在牛頭里宋宣和中道士石法言建

東昇福觀 在茅穗里宋紹興中建

西昇福觀 紹興中道士龍青全建

紫霄觀 宋慶元中道士楊復庵建

洞尊觀 宋清祐中道士景公建明成化時道士張道乾拓之俱在瓜渚里

崇真觀 在大光里宋寶應中道士竺公建

東嶽觀 在西辛里宋元祐中張得俊重修

公安縣志 卷之二 營建 寺觀 吳

南嶽觀 舊在糾湖堤明正統中楊大銘建邑人李德明重修後移於邱家營北

福星觀 在平樂里宋宣和中道士王大建有

廣德觀 在廖解里縣地平衍至此始起岡蠻曰石子岡宋紹興中道士王紹建嗣後道士何元靖及村民吳實續修

刻木觀 在魯陂里宋景定中月溪道人建其中有刻木若媼像者相傳其地有古楓樹一道人遠來每夕徘徊其下呼其母樹輒應聲遂伐木刻像肖之後人神其事為立觀或云卽丁蘭明天啟時龔世煜重修觀中大鼓徑三尺許蓋木槿木所剗也

崇元觀 在魯陂里舊志宋景定中道士楊如真建觀中洪鐘一口文云創始於東晉復興於宋景定三年明季兵燹蕩然無存國朝道士陳紫垣移建越

十一年明道士劉道純遷還舊址門首有古楓香樹二

株高十餘丈大數圍葉作三脊
子大如卵爆乾燒之可辟疫氣

悟真觀 在魯陂里宋咸淳中道士邵月潭建

玉虛觀 在赴陂里道士張守玉建

白馬觀 在特邱里舊有梧桐樹合抱明季萎今又三尺圍矣

玉清觀 在長安村圮

烏龍觀 在谷昇里

洞神觀 宋淳祐中道士舒守庸建

三清觀 在谷昇里咸豐時大水有長生觀三清神像漂泊至此里人建此觀

白雲觀 宋景定中道士王德真建以上俱在谷昇里 恩貢侯家光有詩云琳

公安縣志 卷之二

營建 寺觀 畢

宮簇簇倚山隈暮鼓晨鐘次第催笑煞神仙忙不住

白雲飛去復飛來

佑聖觀

香靈觀 俱在刀環里

古城隍廟 在斗湖堤

古關帝廟 在斗湖堤明崇禎時舉人戴名世建置田百餘畝國朝乾隆間世曾孫魯章重修道光

閒章曾孫一村補修圮止存正殿

謝相廟 在舊縣西關外以地遠見黃山謝麟塚故名

晏公廟 舊在外洲後遷中穴港改為東嶽觀

塔岡廟

在谷昇里明未建道光丁未里人重修

歲貢沈賜鈞詩蕭寺何年

傍古驛收剔殘碑無片石相傳真武自西來曾於此

地卓雙錫又傳明有進士公自言家住洱海東維時

張李氛正惡滇黔蜀道梗未通祝髮寺內棄桑梓題

額西崑走筆鋒高僧因緣結香火廟貌因之愈穹隆

二百年來風和雨殿宇荒涼啼鼯鼠居士擲取黃金

飄轉眼丹堊復舊觀吁嗟乎我不佞佛佛亦得恰有

禪機向佛說自來禪語比水傾惟有因緣理最澈安

知目前眾蘭陀非即當年舊檀越我作蓮社客讀書

公安縣志

卷之二

營建

寺觀

哭

近十年既無坡公玉帶贈佛印又無白傅詩集藏佛

龕只合捉筆題句溯緣起留此飛鴻指瓜一參西來

金雞廟

在西辛里初名五王廟乾隆時建

馬慈廟

在西辛里左有白鶴觀右有蓮花庵今存大殿

殷家廟

在西辛里舊有市今廢

黑神廟

在赴陂里文家橋北道光二年里有爭界連訟者迎城內黑神判其曲直立廟祀之同治五年

遷橋南按黑神唐張巡也城內舊有廟今圮

邑廩生鄒美中詩荒祠落日

枕山阿猶憶當年獨奮戈千古美人悲夜月四郊戎

馬渡黃河功爭郭李威名遠力障江淮戰蹟多風捲

靈旗成幻相丹青姓字浪傳譌

江濱廟

五王廟 俱在魯陂里

得功廟

在谷昇里一名昆廬庵明世宗邵太皇后病里人喻其珍業歧黃召珍診治愈上賜以爵不受

詔封得功真人

白鶴廟

在白湖里創自明季相傳其地有白鶴三隻浮水面近視即無居民募善泅者撈之獲銅鑄神像三即其地立廟祀之越日忽飛洪鐘一口大數十圍金置廟中廟額白鶴留踪四字

高廟

一名廻龍庵在孟家溪南

仙女廟

一在大光里一在油浪湖相傳為白鶴仙娘遺跡

公安縣志

卷之二

營建

寺觀

哭

法官廟

在谷昇里兩田岡相傳里有文九公者禱雨輒應近地居人塑像立石室奉之又長安里有真官廟明劉益建廟前兩壇

五顯廟

在特邱里

如來庵

在舊城縣署西

白衣庵

在東村里上殿稽勲袁宏道建下殿戶部尙書鄒文盛建祀常供田三石五斗銅佛三止存其一移供舊城觀音閣

藍衣庵

在東村里久圯

淨慈庵

在長安里圯

吉祥庵

在港口河東邑諸生袁夢虞湯右會詩暑光漸子庠生敦忠姪廩生敦思建

退晚涼天羽扇絺衣就夜禪修竹徧栽鄰徑後清江
橫遶寺門前無儕沙鳥應知我重刻山雲不計年一

室優曇花是否盆中草木總悠然

廻龍庵

在白湖里舉人汪佑誥
建旁有古鑑禪師塔

觀音庵

在廖解里諸生
袁貽彥建

二聖庵

在二聖洲大二
聖發蹟顯神處

法華庵

在斗湖堤後始於舉人王承先居士李承芳僧
真惠成於袁中郎小修僧圓相黃太史輝題曰

精進林

青蓮庵

一在斗湖堤西南袁宗道安道建麻城
顯宗和尚山僧習雲重修一在孱陵城

公安縣志

卷之二

營建

寺觀

三

荷葉庵

在荷葉山後一名珊瑚
庵三袁先生建久圯

古佛庵

初名生生庵臬副王璠改題邑諸生袁
貽孫建子貢生昌麟重修僧雲眉任持

板橋庵

在斗堤原有
庵田並義塚

百子庵

在斗堤圯

古蘇庵

在谷昇里蘇家渡南岸明萬厯初陳伯凱建茅
後長子舉人鼎中重修易以瓦捐田一石五斗

小堰

一明末燬於火
康熙甲戌重修

白雲庵

即古閣山在谷昇里原在黃牛嶺明永樂時夏
汎有神像泊此蓋銚鑿也里人奇之為建廟舊

華蓋

庵前有桂樹一株若
折之輒病

道鎮庵

在谷昇里
陳姓建

淨業庵

在谷昇里御史龔仲慶建

淨土庵

在谷昇里近嵐令龔仲敏墓其生時所立以住修行僧真源者

三益庵

在谷昇里馬家嘴

廣慈庵

在西關外

青龍庵

在特邱里

太平庵

在白湖里

龍興庵

在特邱里龍溪山甘召循遺趾順治乙酉循禦賊死父榮吾痛其無子為建祠置田給僧奉祀

道光己亥生員

甘湘浦重修

善慶庵

在魯陂里

公安縣志

卷之二

營建

寺觀

五

天福庵

在魯陂里

奉先庵

在魯陂里邑人何耀宗建祀

地藏庵

在大一里孱陵街

三元宮

在祝家岡舊縣東關外祀

東嶽宮

在舊縣城隍廟東祀舊有田今撥入文昌宮

佑聖宮

在舊縣北關內祀

顯聖宮

在窰頭埠

永鎮宮

在茅穗里新市乾隆時里人建

準提閣

在舊城內祀

霜林庵

在茅穗里

萬壽閣

在東關外即舊地藏庵僧惠江周孝改
建知縣沈寅題額為祝釐之地久圯

觀音閣

原在城東北隅因水圯舊考棚尚存一進
移像供奉同治癸酉復圯於水今移新城

玉虛閣

在白湖里章莊舖塘汎北有常住田四石
八斗道光時廩生汪光世全族姓重修

永鎮禪林

在舊城北
關外十里

三福寺

在新城捕廳後原古蘇庵高剝廟道光壬辰大
水二廟侵塌神主借供福護庵復毀於水貢生

袁勤瑜捐田二斗與
眾姓捐費建寺於此

吳家廟

在新城南門外

盈安寺

在港關

